

欽定四庫全書

普濟方卷三百八十九

嬰孩諸血痔疾門

總論

明周王朱楠撰

夫鼻衄者是五臟熱結所為也血為氣行通流臟腑冷熱調和不失常度無有壅滯以不流溢血得寒而凝結血得熱而流散熱乘于血隨氣發溢出于鼻竅也又有

因傷寒溫疫諸陽受病不得其汗熱每停五臟故從鼻而出也病瘥後唾血咯血下血者也此熱毒積於犀角地黃湯主之初病亦宜服之夫吐血者由榮衛氣逆也榮者血也衛者氣也榮衛相濟不失常道一有所勝則致妄行血者水也決之東則東流決之西則西流氣之使血其勢如此巢氏云吐血者是有熱氣勝而血虛熱乘于血性得熱則流散妄行氣逆則血隨氣上故令吐血也又或飲食大飽之後脾胃內冷不能有化急吐所

食之物氣血相衝因傷脾胃亦令吐血若久嗽氣逆面目浮腫而嗽血者是肺虛損也夫大便血者大腸熱結損傷所為也臟氣既傷風邪自入或撞熱或積冷或濕毒傳於脾胃或疳食傷於臟腑因茲冷熱交擊疳濕互作致動血氣停留於內凝滯無歸滲入腸中故大便下血也又有或腸脹冷氣在內攻中衝亦令大便下血又因風冷乘虛客入脾胃或瘀血腸胃濕毒一如豆汁又疳傷於臟亦能使血若上焦心肺積熱流注大腸亦

令大便下血也亡血脾弱必渴久則血虛其人必肌體  
痿黃頭髮不黑矣 沈氏子十歲鼻衄不止或以果花  
煎湯或以犀角地黄湯並龍骨末吹鼻數次法不效其  
血注下召愚視曰急以濃鹽水下龍膽丸一服減半再  
進全除主人曰鹽水有何效愚曰夫血得熱而流溢鹽  
水鹹冷能凝其血譬之屠猪就血得鹽水而凝結黃連  
龍膽味苦寒能凝血所以知其鹹苦入口即立效也  
凡兒生七日之內太小有血出者此由胎氣熱盛之

所致也母食濃酒麪炙縛燂醃醢等流入心肺兒在胎  
內受之熱毒亦傳心肺且女子之臟其熱即入心故小  
便有之男子之臟其熱即入於肺故大便有之血出淡  
淡有似坯水盛即其血加鮮凡遇有此不可它藥盡以  
生地黃根研取自然汁五七匙蜜半匙和勻温温與服  
移時安愈男女皆效不請疑謂甘露飲宜兼與服不必  
他藥萬一無恙勿自忽遽妄投丸散

吐血

附論

夫小兒陽氣盛壯上焦有熱伏於肝心二臟播流脈中血得熱則妄行下入胃中胃受之則脹滿與氣俱上衝擊故令吐血

方

紫參散

出醫方妙選

治吐血

紫參

山梔子

乾生地黃

各一兩

刺薊

一分燒灰

亂髮

一分燒灰

蒲黃

伏龍肝

各一錢細研

右都研勻每服半錢至一錢煎竹茹湯調下

犀角散

出聖惠方

治小兒四五歲已上非時吐血

犀角屑

梔子仁

生乾地黃

子芩

紫蘇

刺薊

各一分

右為散每服一錢水一小盞煎至五分去滓不計時候量大小加減溫服

茜根散

出聖惠方

治小兒吐血心躁煩悶

茜根

半兩

犀角屑

川升麻

川大黃

剉微炒

黃芩

甘草

炙微赤剉以一分

右為散每服一錢水一小盞入黑豆三十粒淡竹茹半分煎至六分去滓不計時候量兒大小加減

辰膠散

出全嬰方

治小兒吐血

阿膠

炒

蛤粉

等分

辰砂

少許

右為末和粉紅色三歲一錢藕汁和蜜調下一方藕節日乾為末人參湯調下能消瘀血

蒲黃散

出聖惠方

治小兒吐血不止

蒲黃

一分

伏龍肝

半兩

亂髮灰

一分

右研勻細不計時候煖生地黄汁調下半錢量大小加減服之

治小兒吐血不定

刺薊

自然汁不計多少

朴硝

半兩

右先研朴硝為末百日及二三歲兒每服用刺薊汁調朴硝末一分至半錢七日再服量兒大小加減

大黃湯 治小兒吐血

大黃

剉炒

黃芩

去黑心

各一分

右粗搗節三四歲兒每服一錢七分水七分入黑豆三十粒同煎至四分去滓溫服日三更量兒大小加減

治小兒積熱攻肺卒吐血

飛羅麩二 生地黃汁二 蓋

右相和勻曝乾研為末每服半錢用新汲水調下日三隨兒大小加減

蒲黃散 治吐血咯血

生蒲黃 油髮灰等分

右研細每服一錢煖生地黃汁調下米飲亦可一方無油髮灰

治小兒吐血

用蛇蛻皮燒為末以乳服并治重舌

又方

用油三分酒一分和之分而再服

青苔散 治小兒鼻衄吐血并治淋瀝小便不通

用船底青苔日晒乾為末三歲一錢藕節汁入蜜少許調下淋瀝木通湯調下

獨聖散 治小兒吐血嗽血

用赤芍藥為末取生地黄藕汁入蜜少許調下食後又方桔梗煎湯調下及治衄血下血

雙黃散 治小兒吐血有治不瘥十無一失

用大黃為末取生地黄汁微煎入蜜調下量兒大小加減服之三兩服立効又一方以白膠香為末新汲

水調下

桂心膏 治小兒十歲已上久吐血氣虛胃隔不利

用桂心為末取生地黄汁薑汁蜜等分熬稠為丸如鷄頭大十歲兩丸取藕汁入蜜白湯化下一方為末藕汁蜜調下三歲半錢亦治便血名桂心散

又方胃氣湯 亦治下血

生地黄汁方 治小兒吐血衄血

用生地黄汁取一合髮灰半錢調分作兩服食後少

須灌之

治小兒吐血不止

用黃連去鬚一兩搗為散每服一錢水七分入豈二十粒同煎至五分去滓溫服量兒大小加減進之

治小兒積熱攻肺卒吐血

用刺薊花曝乾不拘多少搗為末每服黃牛乳調下一錢半日三

治小兒吐血心燥煩悶

用刺薊自然汁一合煖令溫不計時候調下玄明粉半錢量兒大小加減

又方

用亂髮燒灰細研每服以溫水調下一匙

備急方 治吐血

即研藕汁或蘿蔔汁灌下即止次用小柴胡湯加生地黃煎喫

治小兒吐血不止



以蒲黃細研每服半錢用生地黄汁調下量兒大小  
加減進之

鼻衄 附論

凡小兒體本挾舍於經絡血脈陽溢則為鼻衄蓋氣與  
血循行經絡通於腑臟邪熱乘血血得熱則妄行隨氣  
上溢出於鼻者為鼻衄血虛受熱散漫失度出於七竅  
者為大衄 小兒傷寒鼻衄者由熱搏於氣而乘於血  
肺候身之皮毛而主氣間竅於傷寒先客皮膚搏於氣

而成熟熱乘於血血得熱即流散發從鼻中為鼻衄也  
凡候熱病如應衄者其人壯熱頭發汗汗不出或未及  
汗而鼻躁喘息鼻氣鳴即衄也凡小兒衄半升或數合  
者即熱因之得歇若出一二升已上而不止者即死也

方

生地黄煎 治小兒鼻衄不止

生地黄 半觔 取汁 刺薊 半觔 取汁 杏仁 一兩 湯浸去皮 蜜 一合

阿膠 半兩 搗碎炒 令黃燥為末

右都入銀鍋內以慢火熬為膏不計時候用新汲水調下一錢量兒大小加減服之

地黄湯 治榮中有熱及肺壅鼻衄生瘡一切丹毒

生地黄 赤芍藥 當歸 去蘆 淨洗 川芎 各等分

右咬咀水煎去滓大小以意加減鼻衄臨熟入生蒲

黃少許生瘡疥遍體加黃芩一處等分用煎丹毒加

防風去蘆等分同煎用之累驗

藥皮湯 治小兒衄血至一二升悶絕

藥皮 一兩 梔子 一兩 甘草 半兩

右咬咀三歲一錢水半盃煎至三分去滓服一方用

金花莖葉陰乾水煎服之又方白芨末調塗鼻上并

顛門立止又方草麻葉塗油炙熱熨兒顛上血止

槐花散 治衄血

槐花 一兩 蒲黃 半兩 川芎 半兩

右搗羅為細末每服半錢新水調下

抵聖散 治不以疾病鼻衄不止

盆硝

研

亂頭髮

研

燒炭

紅藍花

各末一分

右同搗勻細以棉纏搵藥塞鼻中

栢枝散 治小兒衄血吐血

栢枝

乾者

藕節

乾者

右等分為末三歲半大錢藕節入蜜沸湯調下一方

白芍藥為末磨犀角汁調治咯血衄血又方龍骨為

末吹鼻治衄血吐血咯血用藕汁調下半錢又治方

吐血不止及唾血蒲黃冷水調生地黄汁

龍膽丸 治小兒衄血不止

黃連 龍膽草

右等分為末糊丸如小豆大三歲三十粒或作散子

以濃鹽水送下三黃丸效一方研好墨屢滴鼻中一

方燒亂頭髮吹鼻內茅花湯亦得

石粉散 治小兒衄血日夜不止頭痛心煩

瀾寒水石

煨

牡蠣

煨

右等分為末三歲半錢冷水調下連進二服一方人

中白燒灰為末吹鼻立止一方青竹茹燒灰入麝香吹鼻立效一方蒜去皮研細攤餅子如錢大厚一豆許左鼻出血貼左足心繫定右亦如之兩鼻出血兩脚如之血止即洗去

龍肝散 治小兒壅腫鼻衄下血夜啼臍濕火丹赤遊腫湯火熟油瘡等用灶心土名伏龍肝經十年以上者為末醋調塗腫處鼻衄入蜜水調服腸風下血米湯調服嬰兒夜啼鈎藤湯調下少許臍中瘡濕久不瘥乾用

火痺屋漏水調塗冷水亦可赤遊腫行於身上至心即死鷄子白調塗一方治湯火灼陰瘡石灰水調塗一方治衄釜底墨灰吹鼻即止一方治熱油湯火燒痛不可忍石膏末敷之又曰石脂火煨為末乾敷并臍中汁出赤腫

治春冬衄者以候乃血熱不循經而壅從鼻出夫血隨其氣而肺主氣屬鼻故自鼻出而衄蓋榮衛者血氣之循衛苟或血熱不循經氣盛而上升則血壅從鼻中出

也  
出永類  
鈴方

用生地黄細研取汁加生蒲黃少許沙糖井水浸服之愈

### 治秋夏鼻衄

用車前草一握洗淨研取自然汁同生薑一處研取汁入生蜜一匙先用滓塞兩鼻孔用新汲水和蜜并車前草薑汁飲之即愈凡有此候皆由榮熱可服涼血地黄湯若傷寒証小柴胡煎入地黄汁服妙治小

兒鼻衄不止痛急以生蘿蔔取根搗自然汁仰頭滴入鼻管中即止次以新汲水和蘿蔔汁薑蜜飲之

治小兒心肺蘊熱及心血妄行鼻衄出血不止良方

用故藤紙被一片作撚子色包麝燒薰入鼻或吹鼻中又令患人吸呷尤佳故藤紙被舊亦得或燒內小瓶中留性用酒調下量兒大小與服極妙

黃芩膏 治小兒衄血吐血下血

用黃芩為末煉蜜丸鷄豆大三歲一丸濃鹽湯下

一方石榴花為末吹鼻治衄血吐血 一方定州磁瓦器末治吐血下血破血

又方鼻血久不止用刺耳入鼻立效又治小兒面目卒得黑丹如芥壯不急治遍身即死以猪脂調塗之即愈

玉屑散 治小兒中熱積驚及時疾後鼻衄

寒水石 研

馬牙硝

研各一兩

貝母

去心

知母

各一分半

荷葉

一兩

水煮七次培

右搗研為細散每半錢和蜜水調下食後

茅根湯

出活幼口議

治小兒傷寒後有後症忽然鼻中出

血五七歲以上至大人亦有此症為紅汗為不魯解表其汗出血故從鼻中出者自解

生地黄汁

生蜜

酒

各一小盞

茅根

一握搗煎汁如稠糖

右同煎一盞相和温服小小一盞立效

立應散

出聖惠方

治傷寒血熱妄行血衄不止

蒲黃

研

乾葛根

石榴花

各半兩

右為細末每服半錢取生地黄汁調下併服一方無

乾葛根用新汲水調服

治小兒傷寒鼻衄已經數日不止

出聖  
惠方

生地黄汁

一小  
蓋

白蜜

一小  
蓋

蒲黃

一  
兩

右相和微煖過每服半蓋量兒大小分減頓服

治小兒傷寒壯熱鼻衄不止

出聖  
惠方

用生地黄二兩剉於銀器中以酒一鍾蓋煎至七分

去滓不計時候分溫三服

又方

出聖  
惠方

用生葛根汁一小蓋分作二服即止

治小兒傷寒鼻衄數日不止

出聖  
惠方

用亂髮燒灰細研頻頻吹少許於鼻中良

九竅出血

方

膠黃散

出金  
嬰方

治小兒大衄口鼻耳出血不止十五六

歲兒陽盛多此病

阿膠

一兩  
炒

蒲黃

半  
兩

右為末三歲半錢生地黄汁微煎調下以帛急繫兩乳頭隨血左右兩竅俱出并繫兩乳

刺薊散

出全 嬰方

治小兒九竅出血

用刺薊一握絞汁入好酒合和服之如無青者乾者為末冷水調下三歲一錢

痔 附論

夫痔者有壯痔脈痔腸痔血痔皆因酒食勞傷過度損動血氣所生小兒未有虛損而患痔者是大便有血出

腸內有結熱故也

方

鱉甲散

出聖 急方

治小兒痔疾肛邊生結核疼痛寒熱

鱉甲

一兩醋炙 黃去裙襴

蝟皮

一兩黃

蛇皮

三分燒灰

露蜂房

半兩微炙

猪懸蹄甲

七枚炙黃

檳榔

三分

麝香

一分細研

右搗細羅為散入麝香研勻每服食前以粥飲調下半錢量兒大小加減服之

桑木耳散

出聖 惠方

治小兒痔疾久不瘥肛邊痛痒



桑木耳微炒 蝟皮炙黃 當歸炒 羌活已上各半兩 枳殼一兩

右藥搗細羅為散每服以粥飲調下半錢日三四服  
量大小加減服之

龜甲丸出聖惠方 治小兒痔疾結硬焮痛不止

龜甲二兩 酥炙 蛇蛻皮一兩 燒灰 露蜂房半兩 炙 麝香一分 研 猪

後懸蹄甲一兩 炙焦

右細羅為散入麝香研令勻每服以溫酒調下半錢  
日三服量大小加減服之一方無麝香忌生冷以粉

和丸

槐蛾散 治小兒痔疾下血不止熱毒氣流注發歇疼痛

槐蛾 側柏炙黃 荊芥穗 棕欄燒灰 黃牛角腮燒灰 牛

膝去苗已上 炙半兩

右細羅為散每服以粥飲調下半錢日三四服量兒  
大小加減服之

蝟皮散 治小兒痔疾下血大腸疼痛

蝟皮炙 枳殼去穰 麩炒 木賊 當歸剉炒 槐鴉炒各一兩

右細羅為散每服以粥飲調下半錢日三四服量兒大小加減服之

檉樹角子丸 治小兒痔疾下血不止肛邊生鼠乳疼痛

檉樹角子 一枚 蝦蟇 一枚 葫荑子 一枚 黃牛角腮 一枚

鰻鱺魚頭 一枚 炙黃

右羅為末以水煎白膠香和丸如彈子大用瓶內如裝香法燒一丸薰下部瘡

治小兒痔疾下部痒悶慰藥方

枳實 二兩 鬼箭羽 木香 鬼白 已上各一兩

右搗為散以頭醋和勻炒熟用青布裹熨日三用

楸藤子散 治小兒痔疾下血無時

楸藤子 一枚 去殼 皂莢子 一百枚 與楸藤子 同 酥炒黃 牛角腮灰

醋石榴皮灰 半兩

右細羅為散每服以溫酒調下半錢日三四服量兒大小加減服之

鷄冠散 治小兒痔疾下血不止

鷄冠花 一兩 焙香 棕櫚 二兩 燒灰 羌活 一兩

右細羅為散每服以粥飲調下三錢日三四服量兒大小加減服之

黃耆散 治小兒痔疾下血不止

黃耆 判 枳殼 去穢 麩炒 側柏葉 各一兩 炙黃

右細羅為末每服以粥飲調下半錢日三四服量兒大小加減服之

治小兒痔疾下血發歇不止

荊芥 薄荷 枳殼 麩炒微黃去穢各一兩

右羅為末每服以粥飲調下半錢日三四服量兒大小加減服之

木賊丸 治小兒痔疾痛不可忍

木賊 一兩 楹藤子 一兩 去殼 塗酥炙黃 烏賊魚骨 二兩

右羅為末煉蜜和丸如菉豆大不計時候以溫酒下五丸量兒大小以意加減服之

治小兒痔疾疼痛腫硬不消宜用生藥方

蛇床子

半兩末

荆芥

半兩末

蝸牛

十六枚

右爛研塗紙上每發時先用白礬熱水洗痔頭子後用被褥上安藥紙坐三兩次瘥

槐子丸 治小兒痔疾鼠乳生肛邊煩熱疼痛

槐子

一兩 微炒

黃芩

一兩

槿藤子

二枚 去殼 炙令黃

右羅為末以水浸蒸餅和丸如菉豆大每服以桑耳湯下五九日三四服量兒大小加減服之

穿山甲散 治小兒痔生肛邊如鼠乳及成瘡痛楚至

甚宜服

穿山甲

二兩 炙 令黃

麝香

半分 細研

右搗研令勻細每服於食前煎黃耆湯調下半錢量兒大小加減服之

治小兒腸痔下血不止方

槿藤子

三枚

右以七八重濕紙裹煨良久出取去殼用肉細切碾為散以黃耆湯下半錢量兒大小加減

蛇床子

半兩末

荆芥

半兩末

蝸牛

十六枚

右爛研塗紙上每發時先用白礬熱水洗痔頭子後用被褥上安藥紙坐三兩次瘥

槐子丸 治小兒痔疾鼠乳生肛邊煩熱疼痛

槐子

一兩 微炒

黃芩

一兩

榿藤子

二枚 去殼 炙令黃

右羅為末以水浸蒸餅和丸如菉豆大每服以桑耳湯下五九日三四服量兒大小加減服之

穿山甲散 治小兒痔生肛邊如鼠乳及成瘡痛楚至

甚宜服

穿山甲

二兩 炙 令黃

麝香

半分 細研

右搗研令勻細每服於食前煎黃耆湯調下半錢量兒大小加減服之

治小兒腸痔下血不止方

榿藤子

三枚

右以七八重濕紙裹煨良久出取去殼用肉細切碾為散以黃耆湯下半錢量兒大小加減

又方

用牛角腮二兩炙令黃焦搗羅為末每於食前以溫酒調下半分量兒大小加減服之

又方

用蝟皮細剉於瓶內燒烟薰痔上瘡

普濟方卷三百八十九

欽定四庫全書

普濟方卷三百九十

明周王朱楠小撰

嬰孩心腹痛等疾門

心腹痛 附論

夫小兒心腹疼者證候多端不可槩舉有蟲動者作疼面變五色口吐清水或涎沫或合眼哭叫仰身撲手心神悶亂沉沉嘿嘿者是也宜先喫史君子次服官局

化蟲丸 小兒飲食不節或寒冷硬肥膩甘甜過度傷飽不得化停積於臟或因冷氣所觸故作疼痛診其脈沉細者乃積也輕則荆三稜莪朮橘皮縮砂重則取動非巴豆硃砂乾漆不可止也又有氣痛或因怒而食或傷風冷之氣或因體虛臟寒而作疼診其脈弦緊者是也當用木香紫蘇子沉香青橘之屬大人小兒皆可服四磨飲子沉香木香檳榔烏藥而有一般心疼大人小兒多患凡有此疾無藥可療急用艾灸足大拇指節

中男左女右無問大人小兒又有一種勞瘵尸蟲作痛食不知飽人形羸瘦五心煩熱或骨蒸潮熱宜服金露丸小兒心痛者未起於心即邪氣客於心主之脈夫少陰者心也五臟六腑之所主也精神之所舍其臟堅固邪不能感感之即傷心傷心即神去神去即死矣故諸邪在於心者皆在於心包絡脈包絡脈者心之別脈也故少陰不病夫心痛者厥氣上逆痞而不散或傷寒氣邪冷搏於經絡故發心痛也 小兒腹痛者多由冷熱

不調冷熱之氣與臟氣相擊故為痛也其熱痛者則面赤或壯熱四肢煩手足心熱是也冷而痛者面色或青或白甚者乃至面黑唇口爪甲皆青是也

方

沈香煎丸 治小兒嘔逆心腹疼痛化水穀消積聚

沉香剉 丁香 木香 胡椒 沒藥研 丹砂研水

高良薑 檳榔麩柔煨熟去麩剉 硫黃研水 礶砂揀淨水

熟乾各一兩 青橘皮湯浸去白焙一兩 縮砂去皮 吳茱萸湯浸焙乾 阿

魏醋浸研澄去砂和麩作餅子炙焦各半兩 巴豆去皮心膜研油盡一分

右搗各研為末和勻煉蜜丸如棗豆大以瓷合收蜜

封每服二丸食前臨卧生薑橘皮湯下量虛實大小

加減

寬中湯 治小兒心腹疼痛不可忍者

高良薑 木香各半兩 丁香 桔梗 青皮 甘草

各一分

右為細末每服半錢溫酒調下



蓬莪茂丹 治小兒心腹疼痛不可忍

蓬莪茂 炮 當歸 洗各一兩 木香 人參 桂心 各半兩 黑

牽牛 一分炒 微黃

右羅為細末白麩糊和丸如黍米大每服十粒生薑

湯下量兒大小加減服之

參香丸 治小兒心腹痛并腸冷便青腹急痛

乳香 木香 石菖蒲 人參 良薑 炒各等分

右為末酒和丸如小豆大一歲五丸米湯下

治小兒心腹痛

用三月三日挑花取曬乾杵末以水服半錢

治小兒卒心痛腹脹堅如石滿氣喘息

用好鹽如鷄子大漿水三升煮取三沸內攪涓半分

為三服

紫沉消積丸 治小兒心痛

沉香 剉 硃砂 各四兩 阿魏 巴豆霜 各一兩以上研別為末用蜜熬

一酌酒化 丹砂 研 丁香 乾薑 炮各二兩 硫黃 研 青橘

熬成膏

善濟方

四

皮湯浸去白焙研高良薑 檳榔剉 木香 人參 胡椒

桂去粗皮各四兩

右除前高外一主味搗研為細末入前膏和搗丸如菜豆大以瓷合收密封每服二丸食前橘皮湯下更量度加減

桃仁湯 治小兒冷邪氣故心痛不欲飲食

桃仁三七枚湯浸去皮尖雙仁炒黃 厚朴去粗皮生薑汁炙一兩 人參半分 陳

橘皮湯浸去白焙一分 麥蘖微炒 檳榔剉半兩 附子炮製去皮臍

桂去粗皮 當歸切培各一兩

右粗搗篩三歲兒每服半錢水半盞煎至三分去滓不計時候溫服更量兒大小加減

礞砂丸 治小兒積氣冷氣心痛

礞砂二錢 乾漆微炒 五靈脂 胡椒 桂去粗皮 荆三稜

炮蓬莪茂炮各一兩 班猫二十一枚去翅足炒 巴豆二十一枚去心皮膜煮令

研出油

右為末研令勻醋煮麩糊和丸如黃米大二歲兒

每服五九四歲每服七九橘皮湯下餘以意加減  
治小兒未滿百日患腹痛

豚子知一枚當歸一分

右用水三升煮取七合塗乳頭上令小兒飲以意量  
佳

獨聖散 治小兒頭疼心疼

用當歸近尾半節為末酒調服半錢亦治大人如嬰  
兒夜啼乳汁調下少許即瘥

蓬莪茂散 治小兒心痛發渴不定

蓬莪茂 人參 桂心 黃芩 生乾地黄 木

香 甘草炙黃各一分

右為散每服不計時候以橘皮湯調下半錢量兒大  
小以意加減

芍藥散 治小兒心痛但覺兒將手數摩心腹即啼是  
心痛不可忍宜服

赤芍藥 人參去蘆 白朮 黃芩 川大黃剉炒 當歸

各一分

右為散每服一錢以水一小盞煎至五分去滓不計

時候量大小分減溫服

擯榔散 治小兒冷氣心痛不忍飲食

擯榔 三分 當歸 一兩 蓬莪茂 三分 木香 二分 吳茱萸

一分 阿魏 一分 麩熟為度

右為散二歲兒每服半錢溫酒調下不計時候

單撥散 治小兒心疼不可忍

草撥 一分 胡椒 一分 桂 去皮一分 木香 半兩 當歸 三分 桃仁 去皮

尖半兩炒

右為細散一二歲兒每服半錢溫酒調下不計時候

麝香丸 治小兒心痛面色青黃不欲飲食

麝香 細研一分 擯榔 剉 陳橘皮 去白 白芷 去殼 吳茱萸

洗 木香 各一兩

右將吳茱萸米醋煮一二十沸後掘地坑可安茱萸

以炭半秤燒坑令通赤以醋半盞及茱萸入坑內用

瓷碗蓋之四面以炭擁勿令泄氣候冷取出與前藥  
一處搗羅為末入麝香和勻醋煮面糊丸如黃米大  
一二歲兒每服五丸四歲七丸溫酒調下不計時  
候

桃仁湯 治小兒心痛不忍

桃仁 去皮麩炒研 赤芍藥 桔梗 炒 桂皮 去 甘草 炙各半兩

右為末與桃仁同研每服一錢水一盞煎至半盞去  
滓溫服量兒大小加減不拘時候服

木香湯 治小兒心痛亦治手足不和

木香 良薑 各一分炒 白朮 半兩 桔梗 半兩 白茯苓 去皮一方

用赤半兩

右粗搗篩一二歲兒每服一二錢水一盞煎至五分  
去滓溫服發時併喫量兒大小加減

胡椒丸 治小兒心痛

胡椒 四十粒 檳榔 一枚 班貓 去翅足七個

右為細末燒粟米飯為丸黃米大一二歲兒每服三

丸三歲以上五九煎菖蒲湯下

青橘皮散 治小兒傷冷腹痛

青皮 湯浸 去白 桔梗 去蘆 赤芍藥 各半

右為散每服一錢以水一小盞煎至五分去滓不計

時候量兒大小分減溫服

桂心散 治小兒心痛不止

桂心 半錢 當歸 半兩 梔子仁 半分

右為散每服不計時候以橘皮湯調下半錢量兒大

小以意加減

薑黃散 治小兒心痛

薑黃 檳榔 剉

右等分搗羅為散溫酒調下一二歲兒每服半錢以

下餘以意加減

驚甲丸 治小兒腹痛不可忍

驚甲 塗醋炙黃 去裙襖 防葵 訶梨勒 煨用 皮 川大黃 剉 炒 人

參 去蘆 郁李仁 湯浸去皮 尖研炒 當歸 剉 微炒 冷半兩

右為末煉蜜和丸如菜菔大不計時候以粥飲下五  
丸得微利瘥量兒大小以意加減

溫胃丹 治小兒腹痛啼哭不止

人參 白朮 木香 高良薑 當歸 五味

子 各半  
兩

右為末麩糊丸如黍米大每服十粒米飲下

橘香散 治證同煎

青皮 木香 吳茱萸 當歸 乾薑 丁香

炒 各一  
兩

各半  
兩

右為細末每服一錢水八分生薑二片煎五分去滓

溫服食前

人參散 治小兒卒吐下腹痛不止

人參 當歸 甘草 乾薑 黃耆

半兩  
半兩  
一分  
炮一分  
一分

右為末每服一錢以水一小盞煎至五分去滓稍熱

服量兒大小以意加減頻服

治小兒傷冷腹痛

木香 高良薑 白朮 人參 去蘆各一兩 厚朴 半兩 去粗

皮塗生薑汁 炙令香熟

右為散不計時候以粥飲調下半錢量兒大小以意

加減

當歸散 治小兒冷熱不調腹內多痛

當歸 炒 枳殼 麩炒 去穢 赤芍藥 川大黃 剉炒各半兩

右為散每服一錢以水一小盞煎至五分去滓放溫

服量大小減服之凡脾家疼痛者皆因胃虛不究病

原多用和養等劑以致掩蔽邪氣蓋腹痛多用邪正

交爭與臟氣相擊而作也受證非一夾熱痛者壯熱

面赤或四肢煩手足心熱藥宜四順飲加青皮枳殼

夾冷痛者面白或青甚者面黑唇口爪甲皆青藥宜

五積散重者理中湯冷熱不調邪正交爭宜枳湯加

青皮陳皮木香官桂當歸有積傷脾則面黃腹脹夜

熱晝涼宜紫霜丸去其積風冷入脾則脾胃積冷中



滿疼痛荏苒歲月不可測識宜和劑抽刀散以伐其  
根脾間蛔痛則作乍吐嘔清沫宜檳榔丸主之  
三稜散

益智炒去殼 三稜 莪朮 青皮炒 香附子 青木

香砂仁各半 甘草二錢半

右吹咀薑煎服次與保童丸之類微利取效也

治小兒心腹胃脇煩滿欲死

用燒鷄子殼末酒服方寸下

瘧疾 附論

夫時氣者是四時間或有非節之氣如春或寒夏或冷  
秋忽熱冬或溫其氣傷人為病亦頭疼壯熱於傷寒相  
似其面黃者熱搏於胃脾胃停滯則發黃也治法亦如  
傷寒重用解之肌湯表之輕用七寶散而又有時氣兼  
瘧者是曰數未滿體常壯熱而邪不退此方失表故也  
或乘於陰或乘於陽其乘於陽陽爭則熱氣乘於陰陰  
爭則寒陰陽之氣互相乘家加故發熱成瘧也又詩曰

瘧病是邪成陰陽各闘爭早期風府會晏發春俞停行  
速連朝發來遲間日迎小兒還驗此不用問神明風寒  
暑濕邪自外來餘食居處邪有內作湯氏曰是以外陰  
感受邪氣克於皮膚達於經絡內因停積飲食痰飲會  
於臟腑此瘧疾之胚胎也楊氏曰豈得夏於暑秋必為  
瘧哉蓋古人以暑受病最多言之耳夫瘧者始而呵欠  
繼而足冷面色青黃身體俱急寒慄鼓領腰脊俱疼寒  
去未幾內外皆熱頭痛而渴但欲冷嘔惡煩悶而不嗜

食或內伏寒痰寒從背起冷如掌大瘧之寒熱豈非陽  
陰二氣互相勝負而作也邪並於陰則寒邪併於陽則  
熱陰盛則寒多陽盛則熱熾其寒也湯火不能溫其熱  
也冰雪不能寒衛氣於邪氣交爭病以作邪氣與衛氣  
相離故汗出乃解而病以休衛氣晝行陽夜行陰得陽  
而外出故發於日間得陰而內搏故發於暮夜或隔日  
或兩日一發三日乃衛氣行疾行遲耳若內外失守真  
邪不分陽迭勝寒熱並起則休作無定時矣聖惠曰凡

瘧疾欲解則有汗汗出多則津液減耗又熱乘於臟則生虛燥故渴而欲張秘教曰若病瘧無汗非也夏傷於暑秋或痰瘧小兒血氣壅勝內挾實熱因犯暑邪客於皮膚分內之間至秋為風冷所折陽盛於外陰長於內陰陽相搏發而成瘧先寒後熱者寒瘧也先熱而後寒者溫瘧也熱而不寒者瘧瘧也若汗出過多亡陽而渴當節其飲多飲而小便澀則變為飲癖矣楊氏曰其脈弦數者多熱熱則涼之弦遲者多寒寒則溫之浮弦浮緊

浮數其邪在表宜汗弦實沉實數實其邪在裏宜下大抵瘧之初得一二日間如火燎原不可向爾波濤洶湧未易回瀾當俟其稍定而圖之所謂盛者待其衰也瘧方來與正發及將解不可投藥耗其真氣藥病相忤當於未發已前兩時之前或遇發日凌晨服之瘧有數種治法不同 熱似瘧此傷寒二証非瘧也必肝脈脹盛頭痛祛風宜小柴胡湯加青皮紫蘇主之嘔者多用生薑渴者加烏梅若傷暑兼之小柴胡加香薷入生薑烏

梅煎但寒熱之間非通利不能除根也當以四順飲加常山神保丸治乃先解後攻之意吐下汗三者治瘧總要不過汗吐下當下而不盡腹中餘疼或一利之後不復再泄時時點滴而出者須以常山大黃再下之當汗而汗不匝者或頭汗至胃而手足無者宜青皮佐紫蘇汗之令周浹一身也當吐宜常山須出盡其水飲也瘧利常用櫻粟常山治瘧母每作效乃瘧家多蓄黃水蓋常山能攻其癖下其水也嬰粟治痢然已經取積日久

下痢腹中無痛腸胃滑泄以嬰粟能溢腸也用常山須用大黃為佐大便點滴似泄不泄須用大黃佐之收效如發瘧嘔者及嬰孩中年人虛者勿用常山吐之瘧證寒熱不歇有根凡瘧別風寒暑濕治之汗下吐溫古今不可建活人書格法治之久不愈者有根在也根者何曰痰飲曰水飲曰敗血曰積癖惟癖為瘧之母為敗血為暑熱之毒惟水惟飲皆生寒熱故暑之脈沉積癖之脈結聚或實脇腹必痛蓋巴莖功能下積常山能吐痢

痰水大黃能蕩滌血熱隨證用之瘧瘵染病愈已後飲  
食失節恚怒傷中解脫傷風乳哺過飽又再發者熱多  
二陳湯加青皮甘草熱少者二陳湯加青皮草菓兼暖  
胃氣並用生薑烏梅煎空心服之更用巴豆九子疎利  
大便以泄毒氣何病之有或服已過多滑痢腹痛煎甘  
草生薑湯解之 巢氏病原夫風邪所傷客於脾胃而  
痰飲積於臟腑致令血氣不和陰陽交爭若真氣勝則  
邪氣退邪氣未盡故發瘧也邪氣雖退氣血尚虛邪氣

感於真氣臟腑壅滯痞熱氣未散故餘熱往來也瘧後熱  
渴別飲者蓋臟未和津液未復故也若寒熱往來也腹  
痛者蓋臟虛木挾宿寒邪入於臟為寒相搏而擊於臟  
氣故也哥曰瘧瘵因何湯皆因臟腑虛熱令多飲水結  
塊腹中居又哥曰邪入皮膚裏風還臟腑巡陰陽多竟闕  
寒熱往來頻腹內元因冷仍為痛所因實加邪熱盛脇  
滿少精神大小便應澁痞結病尤馴先有脾家令聞食  
不開唇肌肉因茲瘦血氣不榮身若問如此病莫遣久

沉淪仙人水鑑治嬰兒瘧訶瘧是邪風寒熱攻宜須速  
治免成空常山尅作人形狀丁釘孩兒生氣官朱氏集  
驗方凡瘧疾多是痰實痞塞不通脾氣虛弱蓋熱上停  
胃隔不能入於臟腑凡用五更令服蓋使藥下達於脾  
胃消痰實降虛熱

方

露星散飲 治久瘧成勞

秦艽 柴胡 白朮 白茯苓 檳榔 常山

黃芩 甘草 半夏麩 官桂

右等分咬咀每服三錢酒醋各一半煎露星月一宿  
次日早服再溫去滓大人小兒皆可服陳舍人令嗣  
久瘧服驗一方用薑三片

神通餅 治截瘧有功

甘草末 三錢 萊菔末 敗荷葉 各三錢 砒霜 半錢 硃砂

一錢 定粉 半錢 腦子 麝香 各少許 金銀箔 十

右煉蜜丸梧桐子大作餅子用一歲半丸或一九大

者二九而止一日只一服不可過多時用並花水或柳桃枝煎水磨化此服了忌飢燒飲食亦可繫於候脈處

恒山飲 治一切瘧疾

恒山 人參 白茯苓 草菓 知母 貝母

甘草 炙 半夏麩 厚朴 薑汁製一宿取出 炒黃以上各等分

右咬咀每服二錢水大半蓋生薑三片棗子一枚同煎至二分去滓空心服忌鷄羊牛肉生冷等物一方

有前胡無貝母脾虛氣弱常山作吐須審

牡蠣散 治小兒痰瘧發無時

牡蠣粉 兩半 知母 一分 恒山 兩半 烏梅肉 兩半 人參 兩半

鱉甲 去裙襖三分 升麻 一分 甘草 一分 豉心 一分 桃仁 一分

去皮 炒

右為散每服以溫酒調下半錢日二服量大小以意

加減

升麻湯 治小兒瘧疾發後煩熱

升麻 常山 大黃判炒 蜀漆 姜蕤 黃芩去黑心

桂去皮各一兩 芒硝一兩

右粗擣篩五六歲兒每服半錢水半盞煎至三分去滓發時溫服吐利為効更量大小加減

知母丹 治發熱甚者

知母炒 鱉甲酥炙 大黃判炒 赤茯苓各一兩 芒硝 升麻

各半 硃砂另研一兩 龍腦一錢

右為細末煉蜜和丸如黍米大每服五粒至七粒生

薑湯下大便利下即愈量大小加減

犀角散 治小兒熱瘴氣為瘡

犀角屑半兩 鱉甲一兩酥炙 柴胡去苗三分 知母半兩 甘草

半兩 川大黃半兩 恒山三分

右為散每服以水一小盞煎至五分去滓溫服日三四服量大小以意加減

桃仁散 治小兒瘡疾發歇寒熱小便赤黃宜服

桃仁三分湯浸去皮尖 知母半兩 鱉甲三分塗醋炙 赤茯苓



三 川升麻 兩半 黃芩 兩半 甘草 一分

右藥為散每服一分以水一小盞煎至五分去滓溫服日三四服量兒大小以意加減

蜀漆丸 治小兒久瘧不斷胃腸下痞堅

蜀漆 一分 杏仁 一分 浸去皮 黃連 一分 桂心 一分 甜葶藶

一 川芒硝 兩半 川大黃 兩半

右為末煉蜜丸如麻子大服每以粥飲下五九日三服量兒大小以意加減

鎮心化痰丸 治瘧疾痰多

南星 半夏 白礬 白附子 杏仁 去皮 鐵孕

粉 巴豆 去心殼 鉛白霜 去油

右皆生用成來爛飯為丸如菉豆大硃砂為衣每服三二十九葱白薄荷湯下一二服必利間以進食丸利積為妙

草果飲

草果 白芷 良薑 青皮 川芎 紫蘇葉

甘草 炒等分

右修淨剉水煎服楊氏治寒瘧加白薑一處同煎一方加薑棗

大青湯 治小兒諸瘧

當歸 切焙一分 赤芍藥 兩半 大青 鼈甲 醋炙去裙各半兩 茵陳

蒿 麻黃 去節煎各一分 猪苓 赤黑皮一分

右粗搗篩每服半錢水半盞煎至三分去滓溫服日三更量兒大小加減

當歸湯 治小兒瘧疾身體壯熱增寒發作有時

當歸 切焙 赤芍藥 柴胡 去苗 鱉甲 醋炙去裙 天黃 剉炒 甘

草 炙各一分 桃仁 去皮尖雙仁

右粗搗篩五六歲兒每服半錢水半盞煎至三分去滓溫服日三更量兒大小加減

柴胡湯 治小兒瘧發寒熱腹脹下痢嘔逆黃瘦

柴胡 去苗一分 枳殼 去穰麩炒二枚 黃芩 去黑心 訶梨勒 大者

取皮 甘草 炙 芍藥 兩半 知母 焙各

右粗搗篩每服一錢水七分煎至四分去滓溫服

萬金丹

一名砒霜丸

治痰盛挾積寒熱往來瘧久不瘥累發

不定

阿魏

一錢麩裹煨熟為度

真砒霜

一錢醋半盞慢火熬醋盡為度

巴豆

七枚去皮心膜

硃砂

一分研已上用細研勻次用

丁香

半兩

相思

子

二枚另搗羅為細末

右都一處研細煉蜜和丸如黍米大每於未發前新

水下一二丸每一歲加一粒至十三四歲只十粒一

方無丁香有恒山

桃仁湯 治瘧疾

桃仁

去皮尖炒黃

鼈甲

酥炙微黃各一兩

桂心

黃芩

各半兩

升

麻

赤茯苓

各半兩

右為粗末每服一錢水一盞煎五分去滓溫服大小

加減

烏梅丹 治發寒甚者

烏梅

焙一兩

母丁香

桂心

當歸

乾漆

微炒各半兩

麝香 一方  
別研

右拌勻煉蜜和如黍米大每服十粒粥飲下量大小

加減

乾漆散 治小兒七八歲患瘡發歇寒熱心煩或渴

乾漆 一分炒 川大黃 一分炒 恒山 半兩 石膏 一兩 甘草 半兩

炙

右為散每服一錢水一小盞入小麥三十粒煎至五分去滓放溫發前服之量大小加減

防葵散 治小兒瘡發後肚脹兼頭面浮腫宜服

防葵 半兩 柴胡 半兩炒 桑根白皮 半兩 甘草 一分 川大

黃 半兩炒

右為散每服一錢水一小盞煎至五分去滓溫服日三服量大小加減服之

茅先生鬼哭丸飲 治瘡疾久不愈者

常山 大腹皮 白茯苓 鼈甲 甘草

右等分除甘草鼈甲炙外三件不得見火為末用桃

柳枝各七寸同煎臨發服畧吐涎不妨

知母散 治小兒痰熱發瘧

知母 一兩 鼈甲 一兩 塗醋炙 令黃去裙襴 牡蠣粉 半兩 恒山 半兩

右搗細羅為飲每服以粥飲調下半錢日三服量大

小加減

黃丹丸 治小兒瘧寒熱發歇不定

黃丹 半兩 人參 半兩 鼈甲 半兩 塗醋炙 黃去裙襴 恒山 半兩

右為末煉蜜丸菴荳大每服於未發前以冷水下一

丸三歲已上即可三丸

恒山丸 治小兒瘧疾發時壯熱增寒面色青黃飲食

不下

恒山 半兩 川大黃 半兩 甘草 半兩 麝香 半兩 細研

右為末入麝香令勻煉蜜丸如梧桐子大每臨發前以煖水下二丸三歲已下即服一丸

朱氏四聖散 治小兒瘧疾才發十數次不可妄用截

藥乃因諸毒入於脾胃生冷傷於中脘或先寒後熱或

先熱後寒或一日或兩日寒則肢體顛掉熱則滿身如火頭疼惡心煩渴飲引口苦咽乾背脊酸疼胃膈停痰腹鳴腹痛裏急後重欲作痲疾陰陽不分宜服此藥消導暑氣表解陰陽化疾涎陰寒熱服之累効乃撫州蕭世榮即印施傳之方

生料五苓散 不換金正氣散 小柴胡湯 加桂枝 養胃

湯

右合和大小加減薑棗煎空心熱服滓再忌生冷毒

物反飢飽勞役風寒露雨

松蘿散 治小兒瘧胃膈間痰涎發歇寒熱宜服

松蘿 三分 恒山 一分 甘草 三分

右為散每服一錢水一小盞至五分去滓溫服量大小以意加減以吐為效不吐更服

恒山九 治小兒瘧疾

恒山 一兩 白蠟 半兩 鷄子 一枚

右敲鷄子去黃用清與恒山末拌和令勻於瓦碗中

鎔蠟都拌和以綿幕椀口坐甑中蒸三遍取出丸如麻子大每服以粥飲下五丸當吐即瘥量大小加減温服

黃丹丸 治小兒瘡疾發歇寒熱體顫

黃丹 半兩 炒 恒山末 半兩 虎睛 一雙 酒炙

右同研煉蜜丸如桐子大每未發前温水下二九五歲以下可服一丸

烏梅湯 治小兒瘡發作不定多煩心煩

烏梅肉 炒 常山 各半兩 甘草 三分

右粗搗篩每服一錢水一盞入竹葉五片小麥三十粒同煎四分去滓温服量兒大小加減不拘時候

恒山湯 治小兒温瘧

恒山 一兩 切 小麥 二合 淡竹葉 一升 切

右以水一升半煮取五合一日至七合日兒一合為三服八日至十日兒一合半為三服十六日至二十日兒二合為三服四十日至六十日兒六合三服六

十日至百日兒一服二合半百日至二百日兒一服三合

牛黃丸 治小兒瘧疾煩熱

牛黃 一分 杏仁 一分 湯浸去皮去麩炒黃

右同研如膏煉蜜丸如麻子大服每以溫水下三九日三服量兒大小加減服之

大蒜丸 治小兒瘧疾必效

獨顆蒜 一枚 巴豆 一枚 去心皮去

右取巴豆肉蒜中用濕紙裹煨令熟搗如膏如麻子大每服以醋湯下一丸以吐利為度量大小加減服之五月五日修合更佳

南斗散

常山 白芷 南星 生用各等分

右吹咀每服二錢酒半盞煎至一半去滓發日五更服

又方



上等臘茶 硫黃 別研末

右各頓一處寒多倍硫黃熱多倍臘茶發日五更米飲調一錢或引飲宜服五苓散

治小兒瘡

取牝驢皮覆患瘡人良

蛇蛻散 治小兒諸瘡久不瘥 一名獨聖散

用蛇蛻皮散 治小兒諸瘡燒灰研細每服半錢或一錢冷水調下未發前服之量兒大小加減

治小兒溫瘡

燒鼈甲灰以酒服一錢至發時服三並以火炙身

又方燒鷄肫脰中黃皮為末和乳與服男雄女雌風瘡

因感風而得惡風自汗煩燥頭疼轉而為瘡風陽氣也故先熱後寒可與解散風邪宜川芎白芷青皮紫蘇之類細辛檳榔佐之溫瘡先熱後寒此乃傷寒壞病與風瘡天略相同熱多寒少小柴胡湯熱少寒多小柴胡湯

加桂

小柴胡湯倍加人參地骨皮濕瘧加桂

寒瘧 自感寒而得無汗惡寒攣痛面慘轉而為瘧寒陰也先寒後熱或於發散寒邪

右為局方五積散或養胃湯加桂良薑草果之類甚者薑附湯理中湯養胃湯寒瘧加桂生薑烏梅煎服

張氏草果飲 治寒多熱少手足逆冷遍身浮腫腹肚疼痛

厚朴

薑汁製

青皮

去白

草果

藿香

甘草

炙

丁香皮

神麴

炒

良薑

半夏麴

各等分

右吹咀每服二錢水大半盞薑三片棗子一枚煎至

三分去滓空心服一方加檳榔紫蘇

生熟飲 治脾寒發瘧及寒多熱少久病胃衰

草果

二枚

肉豆蔻

二枚各一

生薑

二塊一

厚朴

二片

生一片薑

製紙包煨

甘草

二寸一

右棗二箇烏梅一箇煎空心服一方不用棗烏梅散

分二劑煎八分發日五更連進

七棗湯 治久瘧寒瘧

用大川烏一箇火炮鹽水浸七次去皮作二服薑七片棗七枚葱三寸水煎先喫棗後服藥一方用小附子一枚如前制服烏附皆能溫脾如寒多用附子夾風用川烏

暑瘧

一名瘴瘧

暑勝熱多得之陰氣獨為陽氣獨發但熱不寒裏實不泄煩渴且嘔肌肉消礫宜小柴胡湯香薷散

五苓散嘔者縮脾飲下消暑丸熱多燥盛少與竹葉湯加常山柴胡

香薷飲 治暑瘧

香薷

四兩

厚朴

製

扁豆

薑製各二兩

右剉烏梅煎臨熟入薑汁溫服或五苓散去桂加羌

活一方燈心車前子

同煎

又方 治夏月寒暑飲水過多停冷於脾至秋成瘧

用青州白丸子金液丹各三丸蠟茶清下小兒研末熟

多蠟茶清調寒多用米飲調亦治吐瀉後成慢驚

又方 大人小兒皆可服

又用巴豆去殼大蒜筋頭扎一竅入巴豆一粒大者入二粒濕紙裹煨令熟取出巴豆不用將大蒜去仆一重皮了細研大蒜五箇入辰砂末一錢宿蒸餅丸如梧桐子大端午或十歲已下如麻子大當發日空心井水下

一丸忌生冷油膩三日合時忌猫犬婦人見

濕瘧 由胃襲兩濕汗出燥浴得之身體痛重肢節煩

疼嘔逆脹滿宜五苓散除濕湯加蒼朮茯苓寒朮附湯  
除濕湯朮附湯加官桂茯苓最驗

食瘧

一名胃瘧

飲水無節飢飽所傷食啖生冷醎藏肥膩中

脘生痰皆為食瘧其狀苦飢而不能食食則中滿吐逆  
腹疼宜青皮草果半夏縮砂白豆寇下巴豆取積或四  
獸飲下紅丸子

四獸湯 治食瘧諸瘧和消痰

半夏

薑製

人參

茯苓

白朮

橘紅

草果生

薑 烏梅

大棗

各等分

甘草

炙微赤減半

右咬咀以鹽少許淹食傾濕紙厚包慢火煨香熟每服四錢煎發前併二三服小兒量加減水煎服楊氏曰治食瘧食積用此或二陳湯下紅子丸

蕩脾丸

治化痰消積進食駐顏及治氣喘痞積

杏仁

一兩去皮尖用蟬粉炒令黃色

半夏

一兩生薑白然汁浸一宿次日焙

巴

豆

五粒去殼并心膜以皮紙出油

右為末用大好北棗七枚入燈心蒸去皮核取肉為

丸每服五丸常服燈心棗子煎湯下注顏檳榔煎湯消食食陳米湯空心臨卧服化痰烏梅湯治瘧蒜湯或薤水下煎痞癖大効

瘴瘧受嵐瘴溪峒蒸毒之氣如嶺南苦炎燥濕不常人多瘴瘧其狀血乘上焦病欲來時令人迷困甚發燥狂忘亦有噁不能言者由敗血瘀心毒痰聚皮坡仙指為脾胃實熱所致又有甚於暑瘧治法宜涼隔疎利大腸宜小柴胡湯加大黃及木香丸觀音丸仁齋曰如前

數證經久不瘥真氣已耗邪氣猶存有所謂勞瘥瘥母馬

觀音丸 取下暑毒瘥毒

半夏

生

烏梅肉

母丁香

巴豆

不去油每件各十枚研

右末薑麵糊丸麻子大上下以厚紙蓋貼有油即換紙每服五丸臨卧冷水下此方舟人於海角遇白衣人授之

楊氏地龍飲

治瘴瘧諸瘥大熱煩燥

用地龍三條研細入生薑汁生蜜調服

瘥母乃彌年閱歲經汗吐下禁衛虧損邪氣伏藏間脇結癥瘕其證未可直攻宜烏頭七棗湯以扶其裏俟內氣已充宜瘥丹磨沉香下雄黃解毒丸取下黑血如泥極臭而愈 治法之外蓋諸瘥皆有根在當隨輕重利導之實者巴豆大黃又瘥家多蓄黃水常山能破瘕下水也

消瘕丸 治瘥母停水結瘕腹脇堅痛忌服甘草

芫花炒 硃砂研

右等分蜜丸小豆大棗湯下去癖須用芫花大戟去水之劑下後服

養胃湯

甘草湯 治小兒瘧瘵實壯熱頭痛欲吐

甘草炙 常山各一兩

右粗搗籬節三四歲兒每服半錢水半盞入竹葉十片同煎三分去滓溫服更量兒大小加減得吐即止

痰瘧

二陳湯 治痰瘧

陳皮 半夏炮各五兩 茯苓三兩 甘草炙一兩

右劉生薑烏梅前服寒多加草果楊氏熱多加前胡青皮檳榔縮砂白豆寇隨意增用

常山散 治小兒發瘧痰壅煩悶

川常山半兩 川大黃半兩 桂心一分 甘草炙用半分 烏梅肉各一分

右判細每服一錢井水一小盞煎至半候冷未發前與之一方無烏梅肉三四歲兒每服半盞煎三分未發前溫服吐利效量大小加減

勞瘧 乃表裏俱虛直元未復疾雖暫止小勞復來發熱氣虛當調養血氣宜用川芎當歸官桂芍藥

扎瘧 由久受陰盛陽虛不能制陰所以寒多不熱氣虛而泄悽振振宜用

柴胡薑桂湯 治扎瘧但寒或寒多熱少

柴胡 二兩 桂 七錢 天花粉 一兩 白薑 炮一兩

右判用水煎服

熱瘧 爭攻散治熱瘧多效

知母 貝母 柴胡 去蘆 常山 甘草 山梔子

檳榔 各五錢 蟬退 十箇 地骨皮 去骨五錢

右判散每服五錢用桃柳枝各五寸煎未效用過路

葛藤五寸煎服刪繁川山酒煎療小兒瘧或自能飲

或不能飲母含藥與之飲



常山 二兩 桂心 一兩 甘草 半兩

右三味切以酒一升煎取七合去滓分服取吐瘥止  
黃丹 治痺瘡但熱不寒

右用黃丹煨過臨發蜜湯調下稍大能飲酒用酒調  
治瘡一方不煨用蜜水調一法專服小柴胡湯次服  
人參前胡湯

廣濟療小兒瘡方

取驢軸下垢膩刮取和麵作燒餅與喫以瘥止

草果飲 治痰瘧寒熱往來脾胃虛弱

草菓 陳皮 知母 三稜 良薑 烏梅 莪

朮 蘇葉 人參 川芎 白芷 甘草

右為末薑錢同煎如脾胃虛弱用平胃散加草果烏  
梅煎服

人參退熱散 治瘧疾寒熱胃膈多痰

破結先用丁香脾積丸也下痰去積莫遲遲寒熱人參  
知母退烏梅草菓與陳皮消熱可用青皮代之莪朮白

芷并甘草川芎蘇葉倍加之十味和同成吹咀何憂久  
瘧向安遲

六和湯 治瘧疾寒多熱少食積痞熱

陳皮 一兩 去白 青皮 去白 柴胡 淨香附 蘇葉 各三兩

右吹咀白水煎服

神效截藥 川山常 末 飛羅麵

右等分和勻用好酒調丸蒸九晒擣丸如菘豆大每  
服二三十丸臨發日五更桃柳湯下

生料平胃散 治瘧疾後脾胃虛弱顏色憔悴不進飲  
食面目浮腫並皆治之

蒼朮 陳皮 厚朴 草果 半夏 白芷 烏  
梅 藿香 前胡 草豆蔻 甘草

右吹咀每服一錢薑棗煎服

正氣散 治瘧疾後脾胃虛弱手足浮腫

陳皮 厚朴 蒼朮 檳榔 肉豆蔻 大腹皮  
麥芽 香附子 草豆蔻 秦艽 甘草

右吹咀薑錢蘇葉煎喫

草葉建中湯 治諸瘧尊勝人多用之

人參 草果 桂 各半 白芍藥 一兩 甘草 三分

右為散大銚水煎進多服神效

全嬰驅瘧飲 治一切瘧

紫蘇 白芷 各半 檳榔 兩 草果 淨一兩 製半夏 一兩

陳皮 甘草 白茯苓 前胡 各半

右吹咀薑棗烏梅煎甚效

治小兒溫瘧身積熱不解

以菖蒲作湯浴之

渴疾 附論

夫渴者有大渴熱渴瘧渴三者大同小異大渴起於吐瀉之後脾胃因虛而生邪熱脾受邪熱涎液內涸唇乾舌燥故成大渴也熱可起於血氣盛實臟腑生熱或胃暑毒因熱臟燥津液不生唇焦舌乾破成熟渴也巢氏云熱渴而飲不止小便澀者則成瘧瘧渴者起於腎與

膀胱好食肥膩恣食甘酸骨熱溢汗黃瘦腹脹口臭唇乾故成疔渴飲水多小便無度其病久則多發癰疽或變腫病其可內熱則小便利小便利則津液渴則經絡澀經絡澀則榮衛不行榮衛不行則血氣流溢故成疽也其渴久則脾土虛脾土虛則腎水盛腎水盛則水反尅土致脾生風濕脾既風濕則生虛熱濕熱相搏故發於膚遍身腫滿也 小兒渴證一兒唇紅如丹三五分者即發三五分渴若七分紅者即七八分作渴其有發

渴唇經焦黑者即久渴虛盛疾加傳極證候危篤故也 凡小兒有疔渴引飲不歇心肺虛熱唇焦舌裂有瀉渴者肌體羸弱神困力乏有利渴者虛熱積臟眉皺肚痛有傷寒候發渴者有痞癰虛煩引飲不歇俱在三焦不順五臟蘊熱煩燥昏悸神情不樂

方

止渴湯 治小兒口渴

天花粉 乾葛 澤瀉 乾木瓜 百藥煎 猪

苓 各等分 縮砂仁 焙加 人參 甘草 麥門冬 心去 茯苓 皮去

右用薑棗煎服

黃連散 治小兒心肺積熱渴不止咽喉乾痛

黃連 去須 射干 川升麻 赤茯苓 麥門冬 去心焙

玄參 甘草 炙微 桑白皮 剉 黃芩 已上各半兩

右為散每服一錢水一小盞入青竹葉七片煎至五

分去滓入蜜拌 合煎 煎一兩沸放溫時時與兒呷之

白朮散 治小兒吐瀉失亡滓液自涼煩渴不食困倦

少力多服丸妙滋養津液助氣補虛亦治虛熱

白朮 一兩 人參 白茯苓 白扁豆 山藥 甘草

炒 粉葛 糯米 各半兩

右為末三歲半錢水半盞煎至三分

人參麥門冬散 治發熱煩渴

麥門冬 去心 人參 去蘆 甘草 炙 陳皮 白朮 厚朴

薑製各半兩

右呷咀每服三錢水一盞煎六分溫服不拘時

枇杷葉散 治小兒氣壅煩熱不止少欲乳食

枇杷葉 拭去毛 灸去黃 葛根 胡黃連 甘草 灸 玄參 各一

分麥門冬 半兩去心焙

右為散每服一錢水一盞生薑少許煎至五分去滓入蜜半兩更煎一兩沸方溫時時與兒呷之

麥門冬散 治小兒心肺熱壅悶熱煩渴不止

麥門冬 去心焙 梔子仁 犀角屑 知母 甘草 灸

黃芩 各半兩

右為散每服一錢以水一小盞入竹葉七片煎至五分去滓不計時候量兒大小以意分減溫服

蘆根散 治小兒壯熱渴不止

蘆根 人參 去蘆 黃耆 知母 麥門冬 去心焙 甘草

灸已上各半兩

右搗為散每服一錢以水一小盞入竹葉七片粟米一百粒煎至五分去滓不計時候溫服量兒大小以

意加減

龍粉丸 治小兒疳熱煩渴

草龍膽 定粉炒 黃連 烏梅肉各等分

右為末煉蜜丸如小豆大三歲三十九烏梅湯下

煎銀飲子 治小兒熱渴不止

銀五兩 石膏二兩 寒水石二兩 蠶蛹二兩

右以水三升入銀石三味煎至一升去銀石次下蛹

蠶更煎至七合去滓每服半合不計時候服量兒大

小以意加減

菰藪根散 治小兒熱渴不止煩悶

菰藪根三分 黃芩五錢 知母五錢

右為散每服一錢水一小盞入小麥粟米各一百粒

煎至五分去滓不計時候溫服更量兒大小以意加

減

又方 菰藪根三分 黃芩五錢 小麥半合

右都剉以水二盞煎至一盞去滓不計時候量兒大

小加減溫服

又方 生葛汁三合 竹瀝二合

右藥汁相和令勻不計時候半服合量兒大小以意  
加減

膩粉散 治小兒熱渴不止

膩粉一分 皂莢

一枚不蟲傷長七八寸者  
去黑皮塗酥炙令香熟

右藥都以水一小盞入生薑少許煎至六分去滓每  
服半合徐徐服之看兒大小以意加減

藕漿散 治小兒大渴不止飲水無度煩渴不食并瘡

痘燥渴心躁

粉霜一兩 黃丹

半錢

右為末二歲一匙用藕汁調下大渴一服調下立效

治小兒熱渴久不止

用葛根半兩細研以水一小盞煎至六分去滓不計時  
候分減溫服

楊氏備急方

取熟桑椹任意食用生蘿蔔汁和生蜜飲之

魚涎散 治小兒多渴飲水不休心燥



用瓜萋根為末取鮎魚身上涎搜作餅子日乾或用蛤粉搜之九妙三歲半大錢候兒大渴時用井桶口索頭泡湯調下服立定或用田螺浸水一夕調下一方用淡竹去節中間着火自然竹瀝出也一味飲之治渴甚驗亦治瘡痘煩渴身熱多燥竹瀝磨犀角汁飲之

龍涎散 治小兒大渴不止忘失津液

取湯瓶中澗或古浴鑊中銹間為末三歲半錢井桶索頭泡湯調下食前遇大渴服立效

一方瓦花是古屋上瓦生青花為末依前湯調下

一方青魚鮓為末蜒蚰浸水調並有效千金云取七家井索近誦口結燒灰井花水調下不過三劑竹根煎汁亦治渴疾

治小兒三焦虛煩作渴飲不歇

用三黃丸加朴硝少許重作小丸子煎麥門冬湯

下

治小兒傷寒候發渴唇口焦乾強燥盛者

用竹葉石膏湯主之

治小兒痞癖作渴不止

用艾灰餅子主之

治小兒熱瀉作渴

用五苓散加乾葛主之煩熱香薷飲加黃連治之

小便澀閉才實不通煎車前湯主之用車前甘草

炙二味煎湯

治小兒疳渴

用蚰子麝香丸主之

盜汗 附論

夫汗者血之異名陽主氣氣為衛陰主血血為榮人之

一身負陰抱陽平則寧偏則病陰虛陽必走故發熱汗

出如珠水熱而湧陽虛陰必乘故發厥汗出如水溢而

流汗者表虛而津液為之發泄也人以為氣同其表所

以溫飢肉充皮膚肥腠理

明理論曰津液腠泄之所司為腠文理縝會之中為理

開闔衛氣一虛則肌肉不溫皮膚不充腠理不肥開闔失守也明理曰自汗者謂不因發散或昏或睡自然而出盜汗者睡困則出醒則復收頭汗者邪搏諸陽津液上腠出頭上手足汗出胃主四肢陽明之証也無汗者寒中榮則無汗謂腠理閉也楊氏曰治法表虛者與之黃耆官桂之劑邪氣相干與之微微解散之劑至若風暑濕之邪為自汗之証傷寒在表無汗若陰病水飲及亡陽亦皆無汗治各有條若熱病脈躁盛與麻黃湯數

劑不得汗者此陽亢也不治設或小便利不如內外關格頭汗則為陽脫及濕家誤下額汗而喘或小便不利大便自利亦為陽脫或汗出而至髮潤或汗出如珠如油凝而不流汗出如水他病如之皆不可救喜汗厚衣卧而額汗出也止汗散主之盜汗睡而自汗出饑肉虛也止汗散主之遍身汗香薷丸主之六陽虛汗上至頭下至項不過至腦也不須治之

張氏三子病大汗者遍身次者上至項下至胃

小者但額有汗衆醫以麥煎散治之不愈錢氏曰大者與香薷丸次者與益脾散小者與石膏湯各五日而愈

盜汗者心之液也小兒血氣嫩弱膚腠未密若厚夜温  
 暖衣温暖薰蒸臟腑藏府生熱搏於心心為邪所勝故  
 夜不能內臟薰出肌則為盜汗也又或傷於熱冷熱交  
 爭陰陽不順津液洩越亦睡中汗自出其間有虛實之  
 證虛者為諸病後或大汗後血氣尚弱液溢自汗實者  
 或潮熱或寒熱發過之後身凉自汗二者曰久令黃瘦  
 失治則變為骨蒸疴勞也

方

柴胡秦艽湯 治小兒盜汗

柴胡去苗 秦艽去苗 常山 貝母去心 甘草微炙 烏梅肉焙乾

山梔子仁豉 鼈甲去裙襴 黃芩去黑心 生薑切

大黃剉炒各半兩 桃枝剉 柳枝剉 葱白切 薤白切各一握 糯

米半合

右粗搗篩每服一錢水半盞酒二分同煎至四分去  
 滓温服早晨日午臨卧各一五歲以下分作二服二  
 歲以下作三服

柴胡煎丸 治小兒骨蒸肌瘦盜汗

鼈甲 九助者一枚 去裙襴醋炙 柴胡 去苗 二兩 甘草 炙 當歸 切 焙 杏仁

湯浸去皮 桔梗 炒 各一兩 胡黃連 一分 地骨皮 赤芍藥

各一兩 木香 半兩 黃連 去鬚 一分 桂 去粗皮 半兩 人參 一兩 麝香 少許

研 酥 蜜 各三兩

右除酥蜜外搗研為末用青蒿一斤剉一觔小便五升好酒一升熬蒿至二升去蒿入酥蜜再熬成煎候冷入藥末和丸如菉豆大每服十九丸米飲下日二服

如秋冬合時更入桃柳心各七枚宜與後方柴胡人參湯相間之服

柴胡人參湯 治小兒骨熱盜汗肌瘦減食

柴胡 去苗 人參 白茯苓 去黑皮 當歸 切 桔梗 青橘

皮 去皮 芍藥 芎藭 麥門冬 去心 白朮 升麻 桑

根白皮 甘草 各一兩

右並生剉如麻豆大每二錢水一盞煎至六分去滓分溫二服食後臨卧與前鼈甲柴胡煎丸相間服速

效

香朮丸 治小兒疳黃盜汗骨蒸潮熱腹大飢瘦

胡黃連 大黃黃色者一箇 柴胡 川大黃濕紙裹煨至底

焦鼈甲醋炙 黃栢削去粗皮秤 黃連 蘆薈 青橘皮

各等

右除黃芩外同為細末將黃瓜割去頭填入諸藥至滿却蓋口用杖子插定慢火內煨熟將黃芩及藥同用麵糊丸如菉豆大每服三二丸食後冷漿水或新

水下大者五七丸至十九服一方加水香麝香少許米湯下

麥煎散 治小兒榮衛不調夜多盜汗四肢倦怠消瘦

面黃

鼈甲一兩酒醋炙三五十次取淨好醋再炙黃 柴胡去苗 玄參 秦艽各一

兩 乾漆炒 白茯苓 人參 乾葛 大川烏炮去皮各

兩半

右為末三歲半錢水半盞小麥三七粒煎三分

黃耆散 治小兒體熱盜汗心煩不欲乳食

黃耆 半兩 硃砂 半兩 細研水飛 龍腦 一錢 細研 人參 去蘆 川升麻

川大黃 對微炒 甘草 炙 天竹黃 牡蠣粉 以上各一分

右為散不計時候煎竹葉湯調下半錢量兒大小加

減服之

龍骨散 治小兒夜常有盜汗黃瘦

白龍骨 牡蠣粉 黃耆 對 人參 去蘆 麻黃根 熟

地黃 甘草 炙對各半兩 麥門冬 一兩 去心焙

右為散每服一錢以水一小盞煎至五分去滓不計

時候溫服量兒大小以意加減

犀角散 治小兒盜汗肌瘦

犀角 鼈甲 酥炙 柴胡 各半兩 知母 半兩 地骨皮 胡黃

連 各一兩 大黃 桃仁 各半兩

右吹咀每服三歲兒一錢水半盞煎至三分去滓溫

服不拘時候大小以意加減

猪肚丸 治小兒骨蒸盜汗乳食減少

鼈甲 去裙襴 醋炙 柴胡 去苗 木香 生乾地黄 焙各一兩 青蒿

去莖 黃連 去須炒 二兩 青橘皮 去白焙 半兩

右為末用一枚嫩小猪肚淨洗入藥末在內繫定蒸令極爛研和藥末丸如菉豆大每服十九丸溫水下食前日午臨卧日三更看兒大小加減

地骨皮湯 治小兒骨蒸肚熱肌肉減瘦多用少力夜多盜汗

地骨皮 秦艽 去苗土 柴胡 去苗 枳殼 去穰麩炒 知母 焙 當

歸 切 焙 鼈甲 去裙襴 醋炙

右粗搗篩每服一錢以水八分入桃柳心各五枚薑二片烏梅半枚同煎五四分去滓溫服空心臨卧各一五歲以下分作二服

黃耆散 治小兒榮衛不和肌瘦盜汗骨熱多渴不思乳食腹滿洩瀉氣虛少力

沉香 黃耆 炙 人參 當歸 赤芍藥 各一兩 木香

桂心 各半兩



右吹咀每服一錢生薑三片棗子半箇水半盞煎三分去滓温服

香甲丸 一名沉香 龜甲丸 治小兒潮熱盜汗消瘦面黃煩渴可

食

沉香 龍膽草 鼈甲 童子小便 汲一宿灸 當歸 黃耆 蜜灸

各一兩 大黃 炒 黃連 各半兩

右為末白糊丸如小豆大每服三十九看大小加減米飲送下一方用蜜和九麥門冬去心煎湯送下

麻黃根散 治小兒盜汗不止咽喉多乾心神煩熱

麻黃根 敗蒲灰 麥門冬 去心焙 黃耆 剉 龍骨

甘草 炙已上 各半兩

右為散每服一錢水一小盞煎至五分不計時候服量兒大小以意加減

犀角散 治小兒盜汗體熱咽乾

犀角屑 茯神 麥門冬 去心焙 黃耆 剉 人參 去蘆 各半

兩 甘草 一分 炙剉

右為散每服一錢以水一小盞煎至五分去滓不計時候溫服量兒大小加減

青蒿煎丸 治小兒盜汗饑熱

青蒿 切一斤

甘草 炙剉為末

杏仁 湯浸去皮尖雙仁少研各一兩

柴胡 去苗

為末各一兩

白蜜 二分

鼈甲 去裙襴醋炙為末一兩半

右用童子小便五升先煎青蒿取一升去滓更煎令如稀餳入酥少許及諸藥末等熬成煎丸如菉豆大每服十五丸至二十九丸空心熟水下更量兒大小加

減

粉汗散 治小兒睡中遍身盜汗

牡蠣 煨二兩

麻黃根 炒

赤石脂

糯米

龍腦 一錢

麝香 少許

香

右為末用生綿絹包藥揆有盜汗出處一方無麝香

麻黃散 治小兒盜汗口乾煩渴消瘦少力

人參

茯苓

黃芪 蜜炙

龍骨

牡蠣

麻黃根

右等為末三歲一錢水半盞生薑棗子煎三分

麻黃根散 治小兒盜汗

麻黃根 雷丸 牡蠣火煨過各一兩半 甘草炙一兩 甘薑

炮半 梁糧一兩半

右六味搗羅為散以粉兒身體及頭甚驗

升麻湯 治小兒肌熱盜汗日漸消瘦可食多渴

升麻 綿黃耆蜜炙 人參各一兩 熟乾地黄 天竺黃

牡礪各半兩各研煨

右件通拌勻為末每服半錢至一錢煎竹葉湯調下

一方竹葉少許水煎服

犀角湯 治小兒盜汗睡中驚啼體熱瘦瘁此由心臟

所感生

犀角屑三分 茯苓去木一兩 麥門冬去心焙一兩半 白朮一分 甘草

炙剉半兩

右粗搗篩每服二錢以水一小盞煎至五分去滓分

溫二服食後臨卧量兒大小加減一方有龍齒一兩

鼈甲丸一名菴丹 治小兒久病盜汗血少氣虛面色痿黃

骨蒸煩渴日漸消瘦情意不悅

鼈甲醋炙 肉蓯蓉

酒浸一宿炙 乾各一兩

當歸

黃耆

蜜炙

何首

烏各半兩

右為末煉蜜丸如小豆大三歲三十九米湯下食前

粉汗散 治小兒睡中遍身盜汗

黃連

生 牡蠣

煨 貝母

各七分

糯米

三兩一作粉

右為細末用生綿絹包藥揆有盜汗處

牡蠣散

一名黃香散

治小兒盜汗汗者血也血虛亦能自汗

又治小兒病後暴虛津液不固體常自汗夜卧愈甚久而不止羸瘠枯瘦短氣煩倦亦治虛熱盜汗或因病後血少虛弱消瘦潮熱煩渴痿理不密盜汗不止

牡蠣

煨二兩

黃耆

乾地黄

生者

麻黃根

各一兩

右吹咀每服一錢水半盞小麥二十粒煎三分去滓溫熱服無時一方無麻黃根

牡蠣散 治小兒汗者血虛亦能自汗作熱

蒼朮

尖泔浸一宿去黑皮炒一兩

白朮

半兩 防風

去蘆 龍膽

一兩

右末每服一錢米飲調下

金菴丸 治小兒肌熱盜汗瘦弱飲食不進常服退肌熱肥孩兒大有神效

黃連 黃栢 青皮 甘草 各半

右為細末入麝香半錢取獾猪膽和釀在膽內用漿水煮十餘沸取出東房山頭掛一夜第二日丸如菘豆大每服十九加至二十九溫米湯飲下不拘時候  
衛生方 治疔熱肌瘦盜汗

地骨皮 洗四兩 生乾地黃 三兩 白芍藥 一兩 甘草 炙半兩

右咬咀每服二錢水一盞小麥三十粒煎至七分去滓不拘時候

芎藭湯 治小兒心熱盜汗

芎藭 大黃 煨 羌活 去蘆 甘草 炙 對各一兩

右咬咀每二錢水一中盞入薄荷數葉同煎至六分去滓分溫二服量大小加減

治小兒盜汗不止宜用粉身

麻黃根

二兩

雷丸

二兩

乾薑

一兩

梁米

二兩

右為末日三度以粉其身汁即自止

治盜汗外腎濕

人參

一錢

苦參

麻黃根

各三錢

右為末蜜丸梧桐子大炒麥麩煎湯下二十九

治睡中汗出

酸棗仁

人參

茯苓

各等分

右為細末米飲下半盞

團參湯

治盜汗取飲心血

人參

一兩

黃耆

三兩

甘草

半兩

右等分咬咀薑三片加麥麩煎服

又方 治證同前

羅參

白朮

白茯苓

黃耆

當歸

甘草

右咬咀各等分薑三片加麥麩煎服

二物茯苓粉散

治小兒頭汗兼治盜汗不止宜用粉

身

茯苓 牡蠣 各四兩

右治下節以粉八兩各搗為散有熱輒取粉汗即自止

故扇散 治小兒盜汗

故扇 燒灰一分 麻黃 取根節三分

右搗羅為散每服半錢乳食調下量兒大小加減

丹砂散 治小兒肌熱盜汗

丹砂 研一兩 白礬 熬乾枯研二錢

右再同研勻細每服半錢薄荷自然汁調下

重陽丸 治小兒盜汗潮熱往來

胡黃連 柴胡 去苗等分

右為末煉蜜和丸如鷄寔每服二丸至三丸銀器內用酒少許化開入水五分重湯上煮十二三沸放溫食後服量兒大小加減

治自汗方

白朮 一分 小麥 撮一分

右用同煮去麥用白朮為末煎黃耆湯服之以愈為度小兒自汗切自此而止則閉氣煩燥

止汗散 治小兒喜汗厚衣睡而額上汗出及遍身自汗肌肉處也右用故蒲扇燒灰如無扇只將蒲故燒灰細服三歲溫酒調下無時

麥麩散 治小兒盜汗不止日漸消瘦

右麩皮炒黃為末三歲半錢煎猪脊髓湯下

治盜汗

右用鬱金為末水調塗兩乳下

又方

右用白朮剉碎用水濃煎時時與飲以知為度

治盜汗不止

右用防風為末浮麥煎湯調服而愈

又方

右用麻黃根節甘草節二味粗末水煎服

虎杖散 治實熱盜汗



右用虎杖剉水煎服量多少與之無時一方為末三  
歲半錢水半盞煎服

香粉散 治盜汗不止

藁木 二錢 牡蠣粉 川芎 白芷 蚌粉 麻黃

根 各等分

右為末週身傳之

建中湯減桂加人參

博氏活嬰方

治盜汗補虛和陰陽治傷

寒自汗

黃耆 一兩 白芍藥 三兩

人參 半兩 熟地黃

甘草 炙各半兩

右以咀每服三錢大麥同煎服之

又方 治小兒虛汗心驚恍惚而汗頻流休熱心煩

珠砂 黃耆 人參 升麻 天竺黃 牡蠣粉

龍膽草 甘草

右為末每服半錢淡竹葉煎湯調下

牡蠣散 治小兒盜汗不止宜用粉身

牡蠣粉 一兩 麻黃根 一兩 赤石脂 一兩

右藥搗細羅為散入米粉二合拌令勻每日及夜間

常揆之



普濟方卷三百九十

總校官候補知府臣葉佩霖

校對官編修臣馮敏昌

謄錄監生臣狄景通